



TOSHKENT DAVLAT YURIDIK UNIVERSITETI REKTORINING B U Y R U G ' I

10.08.2023

132-um-son

2023/2024 o'quv yilida Toshkent davlat yuridik universiteti bakalavriati hamda magistraturasiga xorijiy fuqarolarni o'qishga qabul qilish uchun suhbat savollarini tuzish bo'yicha ekspert guruhini tashkil etish to'g'risida

O'zbekiston Respublikasi Vazirlar Mahkamasining 2017-yil 2-iyundagi "Toshkent davlat yuridik universitetida kadrlar tayyorlash tizimini yanada takomillashtirish chora-tadbirlari to'g'risida"gi 347-son va 2020-yil 26-avgustdagi "Toshkent davlat yuridik universiteti magistraturasiga o'qishga qabul qilish tartibini takomillashtirish chora-tadbirlari to'g'risida"gi 513-son qarorlari hamda O'zbekiston Respublikasi adliya vazirining 2017-yil 29-iyundagi "Toshkent davlat yuridik universiteti bakalavriatiga xorijiy fuqarolarni qabul qilish uchun suhbat o'tkazish va uning natijalarini belgilash tartibi to'g'risidagi nizomni tasdiqlash haqida"gi 164-mh-son buyrug'i ijrosini ta'minlash, shuningdek bakalavriat va magistraturaga xorijiy fuqarolarni o'qishga qabul qilish uchun suhbat savollarini sifatli va mazmunli tarzda shakllantirish maqsadida,

BUYURAMAN:

1. 2023/2024 o'quv yilida Toshkent davlat yuridik universiteti bakalavriati va magistraturasiga xorijiy fuqarolarni o'qishga qabul qilish uchun suhbat savollarini tuzish bo'yicha ekspert guruhi tarkibi ilovaga muvofiq tasdiqlansin.

2. Ekspert guruhi a'zolari savollarni tuzishda:

savollar lo'nda, oddiy va ravon tilda bayon etilishi hamda professional bilim va tahliliy fikrlash qobiliyatini aniqlashga qaratilgan bo'lishi;

savollar bakalavriat uchun o'rta maxsus va kasb-hunar ta'limi darajasiga, magistratura uchun oliy ta'lim darajasiga mos bo'lishi;

savollarda foydalanilgan tushunchalar va atamalar ularni turlicha izohlash imkoniyatini istisno etishi;

savollar umumqabul qilingan grammatik, orfografik va punktuatsiya qoidalariga muvofiq tuzilgan bo'lishi;

savollar o'zbek, rus va ingliz tillarida 2023-yilning 20-avgustiga qadar Qabul jarayonini tashkil etish bo'limiga topshirilishi lozimligiga alohida e'tibor

qaratsin.

3. Devonxona (X. Abdullayev) ushbu buyruqni manfaatdor tarkibiy bo‘linmalarga yetkazsin.

4. Ushbu buyruq ijrosini nazorat qilishni o‘z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bosh mutaxassis

Q.MUSAYEV



Kelishildi:

Bo'lim boshlig'i

S.MAMANAZAROV



yuriskonsult

D.ALIBOYEV

